

**Sekretáriu Estadu Konseihu Ministrus
no Porta-Vóz Ofisiál Governu Timór-Leste
Ágio Pereira**

**2 Fevereiru, 2010
Díli, Timór-Leste**



Adérito de Jesus konfirma ona hanesan Komisáriu Komisaun Anti-Korrupsaun

Jurista, akadémiku no ativista direitus umanus Adérito de Jesus, sai nu'udár primeiru Komisáriu eleitu ba Komisaun Anti-Korrupsaun Timór-Leste nian, tanba inisiativa Governu nian.

Horseik Parlamentu Nasionál konsege hetan quorum hodi nune'e maioria absoluta vota ba kandidatura Adérito de Jesus.

Adérito de Jesus ne'ebé respeitadu tebes, nia fundadór no membru La'o Hamutuk nian, NGO importante ida iha Timór-Leste ne'ebé monitoriza no reporta kona-ba atividades Governu nian ho mós instituisoens internasionais hotu ne'ebé haknaar iha rai Timór-Leste.

De Jesus uluk halo parte órgaun konsultivu ba Projetu Monitorizasaun Sistema Justisa iha Timór-Leste no ONG Forum wainhira kria iha 2000. Hanesan jurista, nia servisu hamutuk ho Unidade Direitus Umanus UNMIT nian no UNDP, hodi hala'o formasaun kona-ba direitus umanus ba membrus Parlamentu Nasionál Timór-Leste iha 2004, no serve hanesan advogadu ba kazu polítika lubun ida, durante tempu okupasaun Indonézia, hanesan mós koordinadór advokasia ba direitus umanus iha Institutu Polítika, Peskiza no Advokasia iha Jakarta.

De Jesus rekonhesidu mós hanesan atór xave ida hotu ba elaborasaun Konstituisaun RDTL nian. Oras ne'e nia foti hela programa Mestradu iha Lei kona-ba Direitus Umanus Internasionais iha Canberra, Australia.

Desde independênsia, Adérito de Jesus hetan nomeasaun ba pozisoens xave lubun ida inklui ba Provedór (Ombudsman) no mós ba Komisáriu Komisaun Verdade i Amizade. Maibé nomeasaun hanesan Komisáriu ba Komisaun Anti-Korrupsaun mak kargu ida ke foin primeira vez nia hakarak simu.

Sekretáriu Estadu Ágio Pereira nota katak Adérito de Jesus ema ida ke iha prinsipiu, tanba ne'e mak nia sei atua independentemente no ba povu Timór-Leste nia interese ne'ebé di'ak liu, ne'ebé nia kongratula membrus Parlamentu sira hotu tanba bele duni foti desizaun ida ke importante tebes ho sensu dignidade ne'ebé kle'an, hodi nune'e bele salvaguarda interese nasional. Pereira hatutan katak "Demonstrasaun lideransa husi Membrus Parlamentu Nasionál tomak ne'e, dala ida tan, hatudu maturidade no konsistênsia iha prosesus demokrátikus Timór nian hotu."

'Ida ne'e inisiativa kona-ba anti-korrupsaun, ne'ebé foin primeira vez implementa iha Timór-Leste no konsege duni hala'o, tanba lideransa di'ak Primeiru Minbistru Kay Rala Xanana Gusmão nian rasik, i ho nia fiar katak Timór-Leste sei hetan susesus wainhira hasoru dezafius ne'ebé boot liu ba independênsia nasional, mak nia barani adopta polítikas hanesan kria Komisaun Anti-Korrupsaun." **FIN**

For More Information Please Contact:

Ágio Pereira +670 723 0011

agiopereira@cdm.gov.tl

ida

govtlmedia@gmail.com

**KOMISARIU
KOMISAUN
ANTI-KORRUPSAUN
BA
MEMBRUS
PARLAMENTU
NASIONAL**